

四庫全書

子部

欽定四庫全書

仁齋傷寒類書卷六

宋 楊士瀛 撰

明 朱崇正 附遺

佛鬱

佛鬱陽蒸聚體膚

便堅為實噦為虛

二陽併病顏容赤

火迫身黃惕惕如

佛鬱者陽氣蒸越形見於頭面體膚之間聚赤而不散也其證則有異焉大便秘而氣短者實也汗下後

而得噦者虛也若虛若實當詳審之

○小便不利時有微熱大便秘難怫鬱而不得卧此燥糞裏實也承氣湯主之○吐下後極虛而汗之其人怫鬱復與之水以發其汗因而得噦此胃中寒也桂枝人參湯加茯苓○太陽初得病發汗不撤併歸陽明續自微汗面色赤者陽氣怫鬱也解飢湯主之或汗又不撤其脉緊瀦與麻黃湯○陽脉浮陰脉濡弱妄以火熏熨欲令汗出客熱得火內則驚惕外則

怫鬱蒸肌身日發黃小柴胡湯加黑豆與之

冒眩

冒因虛極有寒傷

頭痛胃堅屬二陽

吐汗下餘苓桂朮

脉沉自利理中湯

冒者蒙冒之謂眩者眩運之謂上虛則眩諸虛極而
乘寒則冒二者皆相似眩其輕而冒其重也婦人新
產血虛挾寒必冒冒家自汗則愈若少陰病下利止
而頭眩時時自冒者此虛極而脫也其與諸逆發汗

劇者言亂目眩設過歧扁其能起之乎

○太陽少陽併病頭項強痛或眩冒胃中痞鞭刺太
傾戒不得發汗少陽本證亦有目眩見本條○陽明
傷風頭眩見發黃條○吐汗下後虛煩脉微或沉緊
心下痞脇下痛氣衝胃喉眩冒身搖筋脉動惕久而
成萎伏苓桂枝白朮甘草湯○脉沉遲面微赤身微
熱下利清穀者必鬱冒汗出證屬少陰理中湯甘草
乾薑湯四逆湯隨輕重用○太陽病若下之不愈因

復發汗以此表裏俱虛其人必冒冒家汗自出而愈
○又痰飲眩冒厥逆少與易簡三生飲感濕頭重眩
暈芎朮除眩湯○金匱曰產婦亡血復汗寒多故冒
又曰產婦厥冒其脉微弱不能食大便堅蓋血虛則
厥厥而必冒皆是虛寒

心動悸

心悸三陽證自詳

糞堅譌語胃調湯

胃旋甘桂潤真武

小建中兼炙草方

動悸多生於停水或陽氣尚弱心下虛空正氣內動致之或汗下以後正氣內虛邪氣與之擊搏而然也此蓋心悸而氣動其與驚惕不同焉

○太陽病小便利者以飲水多故心下悸小便少者必膀胱裏急也並用五苓散小半夏茯苓湯主之○陽明病壯熱往來心下悸小便不利心煩喜嘔小柴胡湯傷風往來寒熱或心下悸小柴胡湯○少陽病脉弦細頭痛發熱誤汗之必譫語轉屬胃胃和則愈

胃不和則煩悸而大便鞭屬調胃承氣湯然調胃承氣湯太峻證治論只用小柴胡湯糞鞭者可加大黃煩燥者可入芒消些少凡調胃承氣證以此法代之尤為穩當○太陽發汗過多其人叉手自旋冒心下悸欲得按者桂枝甘草湯○太陽病發汗不解仍發熱心下悸頭眩肌體瞤動振振欲擗地者真武湯主之或理中湯加茯苓○傷寒二三日心中悸而煩與小建中湯經云先煩而後悸者為熱先悸而後煩者

為虛惟虛則小建中主之○少陽病耳聾目赤胃滿而煩妄加吐下則悸而驚可與小建中湯如有熱證即以小柴胡繼之○傷寒脉結代心動悸炙甘草湯○少陰四逆證其人或悸以四逆散加桂主之○心下水氣厥而悸當先治水茯苓甘草湯然後治厥有本條不然水入胃必下利也○傷寒多因吐下或火熏或溫針以致驚惕○太陽病若下之胃滿煩驚小便不利譫語身重難以轉側用柴胡牡蠣龍骨湯不

可發汗○風溫妄用火薰以致發狂劇則如驚癇時
時瘕瘕此為逆也金匱風引湯

發狂

發狂面赤屬重陽

葶藶升麻及大黃

血證身黃仍漱水

尿多承氣地黃湯

陰邪併於陰則顛陽邪併於陽則狂傷寒熱毒在胃
併入於心遂使神志昏亂言動急速而發狂也狂之
發作少卧不飢妄語妄笑妄倨妄辯妄起妄行棄衣

而走登高而歌甚則踰垣上屋皆獨陽亢熱使之非
吐下不能止亦有當汗不汗瘀熱在裏下焦蓄血而
如狂者小便必利持如狂而未至於狂耳其或熏熨
迫汗灼艾燒針令人煩燥卧起不安則謂之火邪驚
狂凡是數者各有條例若夫狂言直視旋溺自遺其
與汗後熱多脉躁狂言不食智者寒心焉

○重陽即陽毒脉實數狂走錯語煩燥乾嘔面赤咽
痛潮熱發斑亭慙苦酒湯陽毒升麻湯梔子仁湯三

黃湯大黃散升麻葛根湯加大黃狂走者水調瓜蒂
末吐痰瓜蒂散亦可吐○血證如狂脉微而沉身黃
唇燥漱水不欲下咽無寒熱小腹鞭滿小便利大便
微利而黑輕者犀角地黃湯重者桃仁承氣湯或抵
當圓取盡黑物為効張云太陽病不解熱結膀胱其
人如狂而血自下下者愈若外不解可與桂枝湯外
已解但小腹結急乃以桃仁承氣湯攻之大抵傷寒
當汗不汗熱蓄在裏熱化為血故喜忘如狂○陽狂

寒水石黃連末各一錢冷水調下皆效發斑妄語未
可下者龍膽草一物湯

○火邪驚狂者醫家以火熏熨迫汗及燒針灼艾而
然也其人亡陽煩燥卧起不安金匱風引湯柴胡加
龍骨牡蠣湯桂枝甘草龍骨牡蠣湯柴胡加龍骨牡
蠣湯

又火劫腹滿微喘口乾咽爛或不大便譫語用小柴
胡湯黑豆解火邪湯

直視

直視無神不轉睛

衄兼少血汗猶輕

遺尿喘泄搖頭證

脉瀉循衣並卒傾

水之精為志火之精為神五臟六腑之精皆上注於
目病人邪氣極盛冒其正氣遂使神志不慧目不轉
睛而為之直視傷寒至於直視證候最逆不救者多
亦有反目倒竄眼睛上騰此則腎絕雖昌陽引年亦
不及新矣

○衄血不可汗汗之則額上陷脉緊急直視不能眴
不得眠○少血者肝氣虛目力弱若又發汗亡陽則
陰陽俱虛必至直視二者雖逆猶未甚也○狂言遺
尿反目直視腎絕不治○直視譫語喘滿者不治下
利者亦不治○搖頭直視形如煙熏心絕不治○循
衣摸床惕惕不安微喘直視日晡潮熱下之後脉弦
者生脉濇者不治弦為陽濇為陰是陽病見陰脉邪
盛而正脫也○無表裏證目中不了了睛不和大便

難身微熱此非直視蓋內實也小承氣湯大柴胡湯

譫語

譫言脉數鄭聲虛

胃實身和熱有無

下利濕溫并血證

三陽合病各殊途

實則譫語虛則鄭聲經曰邪氣盛則實精氣奪則虛
傷寒胃中熱盛上乘於心心為熱胃則神識昏迷呢
喃譫妄此邪氣盛而語言差也若汗後若病久本音
失而正氣虧則鄭重語散不知高下此精氣奪而聲

不正也譏語為熱獨語亦熱若狂語則其熱加多至於言亂惡罵又劇甚而難制矣大抵大熱入胃水涸糞燥必發譏語當下誤汗當汗過多亦發譏語譏語屬陽見陰證者逆譏語喘滿氣逆而上奔也譏語下利氣脫而下奪也真氣離絕謂之何哉

○譏語為實脉洪數大便秘小便赤手足溫少與調胃承氣湯陽實譏語脉短促者不治若逆冷而脉沉細者即死○鄭聲為虛脉微細大小便自利手足冷

用白通湯○胃實譫語身熱汗多胃中燥大便硬或潮熱少與調胃承氣湯大小承氣湯酌量用○身和譫語以發汗多亡陽津液不和致之不可下只與柴胡桂枝湯○下利譫語為有燥屎脉不微細即須下之用小承氣湯譫語而利不止則不治又汗出譫語者風也須俟其過經乃下之○濕溫苦妄言證有本條○瘀血譫語狂言漱水大便黑小便多遍身黃小腹滿緣當汗不汗蓄熱在裏熱化為血故爾輕者屏

角地黄湯重者桃仁承氣湯抵當圓○熱入血室譫
語晝靜夜譫如見鬼狀速與小柴胡湯稍遲則熱入
胃津液燥中焦上焦不榮必為血結胃當針期門或
脉遲身涼無熱胃滿如結胃狀亦刺期門若血熱犯
於胃氣小腹急滿小便自利喜忘如狂晝夜譫語抵
當圓主之○三陽合病譫語脉滑實身重難以轉側
口中不仁而垢遺尿不可汗下少與白虎湯○發少
陽汗則譫語經云汗之則譫語甚謂有少陽也下之

則額上汗手足逆冷謂下之早也○太陽病八九日下之胃滿煩驚小便不利譫語身重不可轉側柴胡龍骨牡蠣湯○發汗多亡陽譫語不可下柴胡桂枝湯主之○火劫譫語口乾煩燥喘滿小柴胡加黑豆

搖頭

搖頭直視似煙熏

真病心家已絕根

痊證反張并口噤

頭中痛者戰而言

頭者諸陽之會陽脉有乖則頭為之搖動然有心絕

而搖頭者有風盛而搖頭者有裏痛而搖頭者形證皆不類焉蓋陰根於陽陽根於陰陰陽互根氣血所以周流而無間若心絕則神去而陰竭陽獨無根不能自主是以頭搖經法謂陽反獨留形體如煙熏直視搖頭者此也至於太陽發瘧則風盛於上風主乎動是以頭搖經所謂獨搖頭卒口噤項背反張者此也言而搖頭者頭中有痛言則痛甚痛則必搖經所謂搖頭言者裏痛也又謂言者為虛不言者為實是

也合是言之均是搖頭耳析而分之曰實邪曰虛邪
曰真病又當明其臧否云○搖頭直視形如煙熏心
家絕也真病不治○太陽發瘧搖頭噤口頷背反張
身熱足冷有本條○搖頭言者其裏有痛言者虛也
可與如聖餅易簡芎辛湯

戰慄

戰動於身慄動心 正邪勝負兩般尋
振振汗出將痊愈 鼓頷虛寒病已深

戰慄皆陰陽之爭戰者身為之搖也慄者心戰而惕也邪氣外與正氣爭則為戰邪氣內與正氣爭則為慄戰者正氣勝慄者邪氣勝戰則欲愈慄其已甚乎○振振汗解者蓋邪氣欲出其人虛故邪與正爭發為振戰正氣勝則得汗而解矣○傷寒六七日欲愈必振振汗出而解其有身不戰而但鼓頷心慄者遂成寒逆此陰氣內盛正氣內虛不能勝邪反為邪所勝當以四逆湯薑附湯併禦文禦之理至明矣經

云陰中於邪心內慄也又云邪中下焦陰氣為慄足
脛逆冷便溺妄出此合用四逆湯薑附湯仍與養正
丹

瘕瘕

瘕為引縮瘕為伸

熱極風生併在經

滌熱祛風猶可望

火熏發表定歸冥

瘕則急而縮瘕則緩而伸病軀瘕瘕熱氣極矣熱極
生風風主乎動故筋脉相引而伸縮不寧傷寒至於

瘕瘕疾勢過甚診視調理難乎否乎內經曰太陽終者戴眼反折瘕瘕汗出不流瘕瘕之為絕證也如此○瘕瘕最難療理能用滌熱祛風之劑以折其熱間有可活之者滌熱如柴胡山梔輩祛風如防風羌活輩是也○風溫妄以火熏必然發黃劇則狀如驚癇時瘕瘕經云一逆尚引日再逆促命期設或為醫所誤只得與金匱風引湯火邪用黑豆解

筋惕身瞤

筋惕身瞤發汗多

酌量真武更無過

左邊動氣如輕汗

此證難醫奈命何

發汗過多津液涸少陽氣偏虛筋肉失其所養故惕
惕瞤而跳動也張氏特設真武湯以救之然本方
不特溫經助陽而已其間朮苓薑附皆於胃氣有關
焉素問云脾中風則肌肉瞤蓋脾主肌肉胃為津液
之海是雖過汗法當溫經助陽又不可不以胃氣為
本也雖然已經吐下而復汗汗下而復燒針得之尤

甚逆也經曰傷寒吐下後發汗脉微心脇痞痛虛煩
眩胃氣上衝咽筋脉動惕者久而成痿又曰太陽汗
後復下表裏俱虛更加燒針因胃煩面黃膚瞶者難
治以至汗出如油口噤肉戰伸吟喘促者不治然則
吐汗下可輕乎

○陽氣之柔者養筋發汗過多病軀無陽筋必戰動
或虛人微取汗或傷風自汗妄用大青龍湯便有厥
逆筋惕肉瞶之證俱屬真武湯羸甚者去芍藥有熱

證者去附子尤當酌量用之○應發汗證而腹中左
右上下有動氣者並不可汗若汗之即筋惕身𦵏其
左邊動氣者尤不可汗發汗則頭眩汗不止筋惕肉
𦵏其候最逆且先服防風白朮牡蠣散次服小建中
湯十救一二○太陽病發汗不解發熱心悸頭眩身
𦵏欲擗地真武湯○吐下後心下逆滿氣上衝胃起
則頭眩脉沉緊身振搖者伏苓桂枝白朮甘草湯久
而成痿者通用若心下滿痞兼與枳梗湯加茯苓甘

草

不仁

不仁口腹及膚皮

痛癢寒溫總不知

正氣重為邪氣伏

榮虛衛弱厥如尸

經曰諸邪乘寒則為厥爵胃不仁蓋其血氣虧少不能周流於一身於是正氣為邪氣所伏故肢體頑痺不知痛癢寒溫厥如尸而鬱且冒也苟其不仁脉或浮洪發喘無已水漿不下汗出如油是氣絕於命門束

手待盡而已

○甘草乾姜湯桂枝芍藥湯加乾姜或桂枝麻黃各半湯以意度用○少陰脉不至腎氣微精血少寒氣上奔血結心下陽氣退下熱歸陰股與陰相動令其身不仁是為尸厥

不得眠

不眠腎證利而順

大汗膀胱胃裏乾

吐汗下餘煩懊懷

熱多熱少數般看

按素問云胃不和則卧不安所以不和者津液乾焦熱邪煩燥陽獨盛而陰偏虛故爾蓋夜以陰為主陰氣盛則目閉而卧安惟夫陰為陽所勝故終夜煩擾而不得寧所謂陰虛則夜爭者此也若陽虛而陰勝焉又有夜靜晝煩之證耳

○少陰下利而渴不得眠猪苓湯此停水也若二三日以上心煩不得眠黃連阿膠湯主之○太陽發汗多或大汗出胃中乾躁煩不得眠欲飲水者少與之

胃和即愈若脉浮小便不利而渴五苓散○吐汗下
後心中懊懣虛煩顛倒不得眠梔子豉湯或酸棗湯
○大熱乾嘔呻吟錯語不得眠黃連解毒湯凡陽毒
熱病皆不得眠○下後發汗無大熱脉沉微不嘔渴
無表證夜靜晝煩而不得眠乾姜附子湯○陽勝陰
則狂眠亂夢用梔子豉湯陰勝陽則驚悸昏沉用酸
棗湯○產後不得眠者熱氣與諸陽相并陰氣未復
故也梔子烏梅湯或易簡溫膽湯加竹茹此可通用

多眠

多眠神思苦沉昏

自汗風溫默默然

狐惑唇瘡沉細腎

太陽浮細亦癡眠

陰邪勝陽人多昏默昏閉目者陰司闔也默默不言者陰主靜也多眠四證二者病在經若太陽惡寒其脉浮細是陽氣未盡復也若狐惑淹沉素得之下利則其亡陽可知矣此所以為陰勝歟

○風溫證尺寸俱浮自汗喘息體重不收嘿嘿欲眠

不可發汗可萎蕤湯病在少陰厥陰二經○狐惑證
四肢沉重咽乾聲啞上下唇瘡害人甚急有本條○
少陰證尺寸俱沉細但欲寐急與四逆湯復其陽氣
又少陰欲吐不吐煩而多寐五六日自利而渴張氏
無治法若小便白者可用四逆湯張氏又云少陰病
脉微細沉多寐汗出不煩欲吐若變證五六日自利
煩燥反不得寐者死少陰證變難辨難治貴在審詳
○太陽證頭項痛惡寒嗜卧脉浮細或胃脇滿者小

柴胡湯脉但浮麻黃湯○胃傷風發黃嗜引有本條

瘥後昏沉

瘥後昏沉似怪妖

或時寒熱或時潮

語言錯謬精神少

毒在心胞汗未消

傷寒瘥後半月以來終不惺惺錯語少神或無寒熱
或寒熱似瘥或潮熱煩赤醫以風魅治之非也是由
發汗不盡餘毒在心胞絡間致之

○瘥後昏沉不惺知母麻黃湯再取微汗○瘥後勞

復食復見下後有熱條○瘥後胃腕餘熱虛煩而嘔
竹葉湯加生薑○瘥後喜唾不已膈上有寒理中圓
○瘥後從腰以下有水氣牡礪澤瀉散○瘥後日暮
微煩以其病方瘥強與穀食而不消也節飲食則愈
飲酒復

飲酒還教病復來

悶煩口燥舌生胎

妄言不寐仍乾嘔

解毒黃連湯妙哉

極陰變陽寒盛生熱古人以傷寒為大病大病之後

可與酒乎有勞復而發熱者有食復而發熱者飲酒致劇其熱尤甚於勞食復也

○傷寒已得汗解因飲酒而復劇煩悶口燥乾嘔伸吟妄語不得睡黃連解毒湯龍膽草煎湯或吉皮為佐

尋衣摸空

尋衣妄語晡熱潮

下後陽弦病有瘳

脉濇為陰終不救

發黃須要小便流

華陀云病人手循衣縫不治間有一二活者幸也

○吐下後不解多日不大便日晡潮熱不惡寒獨語如見怪劇者不識人循衣撮空怵惕不安微喘直視微者但發熱譫語並用大承氣湯下之若得大便後脉弦者生脉濇者死弦為陽濇為陰是陽病見陰脉也○太陽病用火熏之以致發黃陽盛則欲衄陰虛小便難陰陽俱虛身體枯燥頭汗及頸口乾咽爛腹滿微喘或不大便譫語甚者嘔噦循衣摸床此證小

便利則可治

百合

百合昏如祟物厭

或時喜食或時嫌

似寒不冷熱無熱

欲步難行卧不恬

百合者百脉一宗舉皆受病無所謂經絡傳次也皆因傷寒虛勞大病之後臟腑不平變而成此其狀似寒無寒似熱無熱意中欲食復不能食默默欲卧復不得卧強欲出行復不能行崇朝口若小便赤黃藥

入即吐利也病源所載證狀一同其脉微數每尿則頭痛者六十日愈若尿不頭痛但淅淅如寒者四十日愈若尿則快然而但眩者二十日愈

○百合知母湯百合地黄湯滑石代赭湯雞子湯百合洗方選用之

臟結

臟結無陽舌白胎 陰筋急痛引臍來

雖然飲食全如故 下利頻頻不可回

臟結者臟氣閉結而不復流布也一息不運機絨窮一毫不續穹壤判臟其可結乎外證有如結胃但飲食如故時時下利為異耳其脉寸浮關沉細而緊無陽舌胎陰筋引臍腹俱痛是也病人脇下宿有痞氣連於臍傍痛引小腹而入陰筋者亦名臟結於此而圖其痊濟豈不難矣哉

○臟結無陽證不往來寒熱或寒而不熱其人反靜舌白胎者皆不可下也蓋其邪未全成熟猶帶表寒

可刺關元穴仍與小柴胡湯加生薑

兩感

兩感膀胱對少陰

頭疼口燥大而沉

胃脾肝膽二三日

脉證雙傳准例尋

傷寒惟兩感不治兩感者半屬於陰半屬於陽臟腑俱受病也一日太陽少陰俱病則頭疼口乾煩滿而渴脉大而沉二日陽明太陰俱病則身熱鼻乾譫語腹滿不食脉長而沉三日少陽厥陰俱病則耳聾囊

縮厥冷水漿不入脉弦而沉或三日而僵或六日而仆張氏無治法但曰兩感病俱作治有先後發表攻裏本自不同雙鍾以意消息謂如下利不止身體疼痛急先救其裏與四逆湯如不下利但身體疼痛急先救其表與桂枝湯此為治有先後其達權識變之論也謝復古釋張氏治有先後之說亦以為陽先受病在乎表則先解表陰先受病在乎裏則先救裏是亦一意然先表者裏不可緩先裏者表亦不可緩也歟

蚘厥狐惑

蛔厥烏梅及理中

臟寒胃冷吐長蟲

咽乾聲啞名狐惑

濕鬢唇瘡限數終

蚘厥證屬厥陰病家有寒妄發其汗或汗後身熱又復汗之以致胃中虛冷故長蟲逆上飢不欲食食即吐蟲其乍靜乍煩者蟲或上而或止也蟲聞食臭必出所以食則吐蟲也張氏有言厥陰為病消渴氣上衝心飢不欲食食則吐蛔吐蛔既出於胃令役有消

渴之證何哉蓋熱在上焦而中焦下焦虛寒無熱耳
設或大便鞅結是亦蘊毒使然又不可指為燥糞但
用生料理中湯加大黃入蜜以利之白朮乾薑所以
輔大黃也○治法先脉理中圓次用烏梅圓若誤下
之利不止則用四逆湯又法理中圓加伏苓枳殼烏
梅渴者加括蔞根○狐惑與溫瘰皆蟲證也狀如傷
寒多因傷寒下利變壞成之蓋腹中有熱入食無多
腸胃空虛故三蟲求食而食人之五臟也其候四肢

沉重並惡飲食默默欲眠目不能閉舌白齒晦面目
間赤白黑色變易不當蟲食下部為狐下唇有瘡其
咽乾蟲食其臟為惑上唇有瘡其聲啞溫蠶條例是
雖調理有方此越人所以望而驚也○治蠶桃仁湯
黃連犀角湯雄黃鯁散備用而已金液丹方狀治溫
蠶蓋硫黃能殺腹中諸蟲無陽者與之

陰陽易陰陽交

陽易陰根腫痛深

腹連腰胯痛為陰

溫家脉躁重生熱

陰與陽交汗莫禁

男子陽易婦人陰易病新產而動淫慾也一名女勞
復感於情者亦然其候身重氣乏小腹絞痛頭不能
舉足不能立四肢拘急百節解散眼中生花熱上衝
胃在男子則陰腫入裏腹內攻刺在婦人則裏急腰
腫引腹俱疼若手足拳攣其脉離經皆不可活或榮
衛虛精髓竭翕翕少氣著席不能動搖者引歲月死
吁內傷六氣外傷七情其為害若是歟

○損脉離經一呼一至是為不足至脉離經一呼三至是為有餘○燒棍散假鼠糞湯竹皮湯乾薑湯青竹茹湯當歸白朮湯以意擇用○陰陽交者溫病不得發汗若汗之復大六熱狂言不食其脉躁疾是也大抵不治若脉浮數則表證猶在可再汗之若脉沉實或狂語則為胃實陽盛又當下之發汗後復熱者通用此例○再汗用桂枝湯○再下用承氣湯

陰毒陽毒

陰毒身如擊撲然

疾沉汗渴痛臍咽

身斑面赤多煩燥

陽毒狂言洪數弦

陰氣獨盛陽氣暴絕則為陰毒身冷有汗其脉沉細

而疾是也

沉而右
疾者升

有初病遽然而成者有服藥數日

變而成者蓋以腎氣極損生冷傷脾內已伏陰外又

感寒致之或先感外寒而後伏陰於內內外皆陰陽

氣不守故爾陽氣獨盛陰氣暴絕則為陽毒身熱無

汗其脉弦洪促數是也有初病遽然而成者有已經

吐下變而成者蓋以酒麪過度丹砂僭燥腸胃極熱致之或病證屬陽誤投溫藥助熱為邪內外皆陽陰氣不守故爾陰陽二毒皆有頭疼微利之證抑陰用熱抑陽用寒固有條例然此二毒隨氣逆上結伏於胃中皆令人心下痛硬非常法所能通也當急作規摹以泄之陰毒泄則陽氣復陽毒泄則陰氣復陰陽升降榮衛流行自然大汗而解矣若心下已結延至六七日間斷不可活外證治法詳于後篇○陰毒外

證面目唇爪青黑口開氣短咽喉不利手足厥冷身
不甚熱痛腫如打撲或數慄而寒頭目俱疼腰重背
強毒氣攻心心下堅悶腹中絞痛外腎並臍下冷硬
額上及手背間冷汗不止嘔吐下利燥渴陰極發燥
精神恍惚言語醒醒聲音鄭重舌上黑色陰病回陽
服藥未透亦須外借火氣但勿迫熾也生薑良薑能
解散寒邪發越陽氣亦要藥也○陰毒沉細而疾身
冷有汗陰毒甘草湯白朮散附子散正陽散肉桂散

回陽丹返陰丹天雄散正元散退陰散金液丹可選
用之令陽氣復而大汗解矣○陰毒已深則灸氣海
關元二穴以手足和為効仍以前項藥濟之若六脉
附骨疾勢困甚者臍中用先艾後葱法方訣詳具于
後凡治陰毒得陽氣乍復者皆生煩燥切勿誤投涼
藥躁甚與返陰丹輩○陽毒外證身量大熱面目俱
赤無汗頭疼腰背四肢疼痛發斑如錦紋心下結悶
煩燥咽痛喘麓唾吐膿血下利赤黃小便亦赤黃錯

語驚狂或走甚者舌卷而焦黑鼻如煙煤○陽毒弦洪促數身熱無汗陽毒升麻湯亭歷苦酒湯即米醋大黃湯梔子紅湯黑奴圓太乙牛黃膏用竹葉湯調下或研生地龍大者三條入生薑汁薄荷汁生蜜腦子各少許新汲水調灌下可選用之令陰氣復而大汗解矣陽毒大熱煩渴譫語赤斑衄血不止白虎湯一服効○陽毒已深脉洪大內外結熱舌卷黑鼻中如煙煤用新汲水浸濕布數重搭於背上續又換新水

浸布漬冷熱勢纔減即已之詳法于後○太師陳北
山方訣治陰毒心下結伏按之極痛大小便秘澀累
日用藥不下但出氣稍煖亦可療治急取巴豆肉十
粒研爛入麪一錢許捻作一餅堅實安頓臍心立小
艾柱灸五七壯覺腹中鳴良久自通利其次用葱白
一束緊扎切作數餅炙令溫熱貼於臍下以熨斗火
熨其上續又易之漸覺體溫即以五積散二錢附子
末一錢薑七片棗二枚鹽少許水大盞煎七分溫服

連餅二三劑即汗出而瘥又法以大蒜一枚搗研捏作餅子炙熱置於臍心炙十壯大小便即通○治陽毒累經藥下不通結胃堅硬按之極痛或稍通而復再結喘促極熱大燥狂亂即取大活地龍四條洗淨砂盆內研如泥入生薑自然汁少許蜜一匙薄荷汁少許新汲水小盞調和徐徐灌盡漸次涼快若熱熾者加腦子少許如未効再作一劑自然汗出而解或用竹葉湯調太乙牛黃圓灌下二毒灌藥少頃以手

揉其心膈即得藥下○本事方灸結胃已豆肉七粒
黃車七寸搗細津唾調膏安於臍心灸其上不拘
壯數以腹中有聲為効灸畢即以湯蘸軟帛拭之恐
成瘡爛此方與集驗神助散一同陰陽二毒但有微
氣者皆可灸臍間有聲即得汗解○尚藥孫用和破
結丹治陰陽伏逆變為結胃五六日大便結攻之不
及達之不可以此主之用錦辰砂銀青磁石北闕脂
肉豆蔻木香官桂牽牛生黑附炮已豆肉不去油各

半兩輕粉半分麝半錢金五箔右件將法醋半升入
硃砂附子牽牛三末熬成膏次入徐藥打和得所圓
如皂子大輕粉衣每二圓蜜湯調下

陽證似陰陰證似陽

陽證如陰冷四肢 滑沉尿赤大便稀

面紅煩燥身微熱 陰證如陽沉更微

陰極發燥熱極發厥物極則反也重陽必陰重陰必
陽寒著之變也四肢冷小便赤大便秘或糞色黑眼

開言動脉沉而滑謂之陽證似陰面赤煩燥身有微熱眼閉穀熱脉沉而微謂之陰證似陽欲知的定當推原反本察色聽聲辨以六經參以外證徐徐焉據脉驗之數熱遲寒陰陽別矣○陽之體輕陰之體重陰家脉重陽家脉輕○陽盛旦靜陰盛夜寧陽虛暮亂陰虛夜爭○陽證似陰白虎湯熱極生寒則四肢逆冷水或用承氣湯○陰證似陽四逆湯加蔥白主之陰盛則燥下虛則而赤衰寒則身微熱也

陰盛隔陽

凡陰盛隔陽脉細沉疾身冷大煩燥嗜卧泥水之中
欲飲水而不欲入口者是飲水者非可服霹靂散少
煖散丹砂圓亦効孫用和以半兩黑附子一枚燒存
性候冷為末入真朮茶一大錢錢和為二服每服水
一盞蜜半匙煎六分冷服躁止得睡汗出皆藥之驗
也

仁齋傷寒類書卷六

欽定四庫全書

仁齋傷寒類書卷七

宋 楊士瀛 撰

明 朱崇正 附遺

小柴胡湯加減法

傷寒諸方惟小柴胡為用最多而諸家屢稱述之蓋以柴胡半夏能利能汗凡半表半裏之間以之和解皆可
用也抑不知小柴胡非特為表裏和解設其於解血熱
消惡血誠有功焉蓋傷寒發熱一二日間解撤不去其

熱必至於傷血不問男女皆然小柴胡湯內有黃芩柴
胡最行血熱所以屢獲奇功但藥性差寒用之貴能加
減今推明活法凡表發熱裏又有燥渴糞鞭熱證者是
為內外俱熱小柴胡加大黃裏無熱證但發熱在表者
小柴胡加桂桂主解表可以溫血所謂陰盛惡寒甘辛
發散者此也大黃主攻裏可以蕩滌血熱所謂陽盛內
熱酸苦湧泄者此也是又別其解表以溫攻裏以寒之
義若遇少陽本證及無表裏證或表裏不分之證但依

本方用之並不須加減此為正訣虛者少與尤在酌量
予每見後學數輩療治傷寒輒用當歸其意蓋為調血
計不思一滯中脘二動痰涎三壞胃氣而血熱又非當
歸之所能除惑之甚矣否則熱入血室張氏特以小柴
胡主之何哉雖然均是和解耳局方以和解散平穩之
劑為和解張氏以小柴胡差寒之劑為和解意安在哉
蓋局方和解散為尋常感冒和平解散設也若夫熱在
半表半裏既不可汗又不可下并小柴胡一劑孰能內

和而外解之乎然而學者亦不可以輕心而用小柴胡也脉之不審證之不詳縱橫泛應執小柴胡以為公據脉過浮熱似陽其不誤人性命幾希矣甚者僅以小柴胡收效一二而乃不遵格法輕用大柴胡立意一差禍不旋踵吁可畏哉

傷寒諸篤證

搖頭直視形如煙熏心絕○唇脣反青四肢多汗肝絕○反目直視狂言遺尿腎絕○汗出髮潤喘而不休肺

絕○環口黧黑柔汗發黃胖絕○汗出如油喘促無已
水漿不下形體不仁命絕○大發濕家汗則成瘥熱而
瘥不治○發濕溫汗身青面變耳聾不語曰重暈不治
○發風溫汗必讞語並不治○發風濕中濕汗並逆○
發動氣汗不治○發少陰汗九竅出血曰下厥上竭不
治○發少陽汗則膽語○發汗只在頭面不至遍身鼻
衄不止者逆○發汗不至足者逆○諸逆發汗劇者言
亂目眩並不治○當汗無汗服麻黃數劑汗不出者不

治○汗出如珠不流不治○汗出如油口噤肉戰聲吟喘促不治○汗後嘔吐水藥不入口者逆○熱病脉躁盛而不得汗不治○汗後不為汗衰復大熱臍躁疾狂言不食曰陰陽交不治○忽冒脉無脉服藥後汗解則生若無汗脉不至者不治○少陰厥逆無脉服藥通脉其脉漸續則生暴出則不治○下利厥逆無脉灸之脉不回身不溫不治○少陰四逆下利惡寒而拳發躁無脉不治○下利日十餘行其脉反穴者逆○少陽陽明

合病下利脉長大而弦曰負不治○陽病見陰脉不治
○發斑屬陽見陰脉不治○代脉不治吐血衄血脉反
浮大而牢不治○陰易陽易脉離經外腎腫腹中絞痛
手足拳攣不治○欬逆上氣脉散者不治○譫語脉反
沉微四肢厥冷不治○脉陰陽俱虛熱不止者不治○
七八日以上發大熱難治○舌木爛熱不止者逆○下
利發熱或汗不止厥不止並不治○下利發熱厥逆燥
不得眠不治○譫語直視或喘滿或下利並不治○譫

語屬陽見陰證者逆○傷寒脉乍疎乍數不治○發斑
先赤後黯面色黧晦不治○發斑大便自利不治○發
黃而變黑不治○口乾舌黑不治○口張目陷不治○
張口出氣乾嘔骨骸熱痛者逆咳逆不止者不治○心
下痞悶上氣喘麓者逆○霍亂喘脹煩燥不治○誤下
濕家額汗喘促或小便不利大便自利不治○頭汗內
外開格小便不利此為陽脫不治○腹滿咳逆不得小
便不治○腹大滿而下泄不治若脉洪緊而滑尤可慮

○臟結如結胃舌白胎陰筋引臍腹痛時時下利不治
○結胃證具加煩燥不治○臟厥七八日發厥膚冷煩
燥下利無時暫安不治○少陰吐利厥逆煩燥不治○
厥而下利反能食者曰除中不治○四肢厥逆臍下絞
痛石硬眼定者逆○厥陰唇青舌卷黑而耳聾囊縮不
治○頭連腦痛甚手足俱寒不治○陰毒陽毒過六七
日不治○兩感不治○狐惑咽乾聲啞唇瘡不治○赤
斑五救其一○黑斑十救其一○尋衣摸空者逆

傷寒別名

清便自調自可謂大小便如常也○大便秘而堅則曰
鞭○小便不利小便少下利清穀皆謂水穀不分○得
大便曰更衣○大便堅小便利曰脾約○下利曰飧洩
○腸辟謂痔也○寒而利曰鴨溼熱而利曰腸垢○轉
失氣謂氣轉而響時時失下即後分泄氣蓋腹中有積
○大汗傷氣大下傷血或火邪逼迫驚狂或尺寸脉緊
而反有汗或發汗後汗不止而漏風或陰病本無汗而

反有汗或其脉浮遲微弱不能作汗皆曰亡陽○吐汗
下溫針以後其病不解曰壞病曰何逆○瘥後更發熱
曰遺熱○脉相尅賊曰負○兩手無脉曰雙伏一手無
脉曰單伏○左關脉曰人迎右關脉曰氣口足趺上動
脉曰衝陽足後根上陷中動脉曰太谿○婦人乳頭直
下近腹處曰期門○臍下一寸曰氣海二寸曰丹田三
寸曰關元○玄府即汗空也○臍間動氣曰奔豚○筋
惕肉動曰瞤○中暑曰中暈○妄發濕溫汗曰重暈○

渴欲飲水水入即吐曰水逆○心下停水怔忡身無大熱頭額微汗曰水結胃○乾嘔曰哕咳逆曰噦○目中不了了謂不明也睛不和謂不和平如常也○三月至夏方發病曰晚發

傷寒戒忌

傷寒新瘥後但少喫糜粥常令稍飢不得飽食反此則復○又不得早起不得梳頭洗面不得多言不得勞心費力反此則復○瘥後百日內氣體未得平復犯房室

者死○忌食猪羊雞鴨狗肉肥魚油膩諸骨汁及鹹藏
鮓脯餅麪果物

藥有寒溫相濟

黃連湯用乾薑黃連柴胡桂薑湯用黃芩薑桂麻黃升
麻湯用桂枝石膏返陰丹用附子膩粉陰旦湯用乾薑
黃芩與夫桂枝石膏湯桂枝大黃湯乾薑黃連黃芩人
參湯某藥性寒某藥性溫溫以調陰寒以調陽蓋使陰
陽調而得其正其有陽證當下而表怯者陰證當溫而

帶熱者皆可以前例推之亦當權其冷熱重輕為之增減斯可矣雖然古之分劑與今之分劑多寡又不同焉藥則秤三四錢為一服水則用一大盞取七分為一劑此亦通今之論也所謂利藥不嫌生溫湯須要熟又當權衡於此云

據脉

傷寒治法據脉為要問證次之證如此脉亦如此條例徑行若證熱而脉遲證寒而脉數切不可自惑於倉卒

須是畧去外證專以脉為主領斟酌而調理之庶無差
誤雖然偏陽之脉又何耶曰人稟陰陽二氣陰根於陽
陽根於陰往來流通而無間斷者也一或偏勝百病生
焉蓋偏陽則多熱偏陰則多寒偏陰則六脉虛濡按之
無力頗有細瀋輕瀋之狀病主沉寒法當溫散人所易
知若夫病軀内外有熱其脉不數不洪但指下急瀋而
小緊如枝條刮刮之狀此則為陽勝陰當用寒涼之劑
以解陽熱愆伏之邪以行血熱凝結之毒不可錯認以

為脉小脾虛誤以溫藥益其疾也縱或嘔逆亦是熱邪乘虛熱氣閉隔斷不可以溫熱之劑投之否則墮厝火積薪之轍矣凡病皆當審斯

警省

傷寒證候頃刻傳變傷寒治法繩尺謹嚴非可以輕心視之也其間種類不一條例浩繁是固難矣至於陰極發燥熱極發厥陰證如陽陽證如陰脚氣似乎傷寒中暑似乎熱病與夫蓄血一證上熱下冷乍閤乍寒甚至

四肢發厥昏迷悶絕凡此等類尤當審思而明辯之若
疑似未別體認未明姑且試探切不可妄投決病之劑
方方雖微死生之係也謹之哉

藥方

本祖南陽活人書其詳見於傷寒百問

凡下證不得用圓子藥謂水銀硃巴粉霜之類作圓
以為轉下藥性有毒只取積滯傷動臟腑不能蕩滌
邪熱以去病也○小兒傷寒節度如大人法但分劑

少異其間用藥小冷耳

產婦傷寒

或問婦人傷寒可得聞乎曰傷寒三百九十七條一百一十三方此張氏截然之筆削也於某證則有某藥曷嘗以男女為別哉要之月事去來產前產後男子所無請發明其蘊以解世俗之惑蓋婦人以血為主發熱惡寒經水適來經日熱除而胃滿譫語者是則邪氣結於胃脇當刺期門隨其實而取之傷風經日續生寒熱發

作似瘕而經水適斷者是則血結而不行當以小柴胡湯散之所謂治之而愈者此也至如傷寒發熱經水適來晝醒暮譫如見怪狀是則裏無留邪熱隨血散所謂不治自愈者此也前乎吐血下血兩條併以犀角地黄湯桃仁承氣湯抵當湯圓之類言之詳矣抑產前產後治法將何擇焉曰產前安胎產後消瘀於是遵依條例斟酌輕重而調理之安胎者何桑寄生阿膠縮砂為要藥他如桂枝半夏桃仁大黃墮胎及燥熱等輩則不可

輕用也消瘀者何川芎蒲黃赤芍藥生地黃為要藥他如內補攔住敗血之劑則不可輕進也朱氏以阿膠桑寄生人參伏苓白朮等而細末糯米飲調劑為孕婦安胎以紅花一分官桂芍藥甘草半之姜棗同煎為解表消瘀以蔥白生姜大劑濃汁為產前發散以小柴胡湯去半夏和解熱入子宮郭稽中以枳殼防風一度甘草減半末之點服主大便秘澀又以蜜導一法真可活人然則產婦證治觀此可以問津索塗矣雖然知安胎則

不可不調氣知消痰則不可不扶虛枳殼香附陳皮以
調氣也當歸川芎黃耆人參以扶虛也退熱則柴胡黃
芩解肌則紫蘇乾葛滋腸則麻仁枳殼助陽則乾薑良
薑其間採撫雖未備古人之經然而甘辛為陽酸苦為
陰皆不越古人之意姑存之篇末以便學者之觀覽云


小兒傷寒

或問小兒傷寒可得聞乎曰小兒傷寒與大人法度則
同但分劑少異用藥少冷已略陳於前矣然而驚風瘡

豆亦嘗贅布此尤不可闕請發明藥證而條析之惡風惡寒者必隈人藏身引衣密隱是為表證可微取其汗也惡熱內實者必出頭露面揚手擲足煩渴燥糞掀衣氣麓是為裏證可畧與疎利也至若頭額冷手足涼口中冷氣面色黯淡大便瀉青此則陰病裏虛當以溫藥救其裏也舉是三者汗下溫之法可以類推矣發汗用桂枝麻黃各半湯加黃芩解肌用香蘇散加乾葛通利四順清涼飲微利人參敗毒散溫裏理中湯厥冷甘草

乾薑湯尋常感冒惺惺散或參蘇飲傷風發熱人參羌
活散或天麻防風圓壯熱者升麻葛根湯潮熱者生犀
散小柴胡湯加大黃小便不通者導赤散五苓散甘露
飲表裏俱熱如表裏俱見之證洗心散主之咳嗽則人
參潤肺散加紫蘇夾食則異香散紫霜圓輩然亦視其
小便或赤或白可以知裏熱之有無或清或濁可以知
裏熱之輕重幼而嬰孩則以虎口指紋之紅色驗之長
而童孺則以一指按其三關據左手入迎之緊盛者斷

之所謂七十二證某證某方皆無越張朱格例特不過小小分劑而中病則止也不然幼幼新書駢集小兒傷寒雖略舉巢源一二而終篇以活人書為法果何意哉故附于卷末以備學者之觀覽云



仁齋傷寒類書卷七